



啟禎野乘一集

卷三

梁溪鄒

漪流綺甫纂

薛布政傳

公名近充字信余號又損武進人學憲方山公子也
 方山富文學。制舉義為當代大家。公少凌峭有餐霞
 出塵想。歷官浙江雲南布政。以首薦僉憲何公士晉
 忤要人意。告病歸里。居二年而卒。得年五十三。公在
 仕途三十餘年。第宅不一。拓田畝不再。增嘗分司淮
 揚。故事漕艘過。每舟釀一金。公禁不許入他所。却數

千金者更多。舟早晚通流。人大便之。未及期。漕以竣。在浙藩舊例。贏金及公費津貼。無筭一。無所取。通鹽。惠農坐鈴閣。靜悄。訟以不煩。性頽頽。閣臣過淮。深居。不出。謁浙中。筦舟船。非例索者。一切不與。他居間來。盡空手去。鞅鞅時。東林倡學者。名方張。公口未嘗不。數數稱善。顧議論不肯隨從。昂昂自如。居漠然寡交。游率意行街。大布欵冠。所與投狎者。多里中故友。傳觴呼盧。徹宵旦。或連日不休。而豪貴人便恥與一面。孫文介謂當時爲公府者。若不知鄉紳之有薛公爲。

市廛者。亦不知里紳之有薛氏也。其和易坦率。又如。此卒之日。遺命歛用杉棺。角巾素袍。自題銘旌。稱損道人。兩姪長敷。政號純臺。官御史。另有傳。次數教號。玄臺。官學正。入仕卽疏。爭言路。回籍省過。竝封議起。又與禮部郎陳泰來等建言。已而京察執法峻。貴人多不便。有出而撓。二百年計典者。再疏力爭。謫光州學正。歸而講學東林。天下號爲儒者。以卒在萬曆間。不載其季子憲岳。性至孝。博古能文。晚入太學。甲子秋感時事。棄青衿。浪遊湖山間。甲申正月卒。謂兄子。

案及子畢曰大亂已成。吾猶得以角巾深衣侍先公。及顧高諸公于地下。汝等不可得矣。案字諧孟登辛。未進士官。開封知府。後爲僧。名米號堆山。隱居五牧。卽家爲庵。詩文敏妙。有倚馬才。天下爭傳誦之。蓋其家學淵源。爲吳中文獻所係云。論曰。予交堆山大師稔。知先生家世甚詳。先生固以忤奸而去官也。當先生薦何公時。以語孫文介。文介曰。誤矣。非開府料矣。先生愕問。故文介謂何方。以張差事。効貴戚爲要人所切齒。子忽薦之。是明于人品。

明于世道。而未免誤于官也。先生因揚揚大唱所薦。埋輪欲問狐。投鼠不忌器。語以自信。豈非立意較然。不欺其志者。與至其德及于民。行孚乎俗。一塵不染。三事克全。所由與聲色貨利俯仰浮沉者。异矣。

丁尚寶傳

公諱元薦字長孺號慎所浙江長興人也少負異姿弱冠廩於庠從顧涇陽馮具區兩先生問業聲譽鵲起登萬曆丙戌進士予告丁外艱至癸巳謁選授中書舍人甫匝月上封事萬言極陳時弊可寒心者三可浩歎者七坐視而不可救藥者二皆闕天下大計時光宗儲位未定有三王並封議公封事中多責備婁江相國婁江惡之尋請使事去還朝丁內艱巳亥京察以浮躁落級積十二年庚戌起補廣東臬司

經歷尋召爲禮部主客司主事。又踰年辛亥之官。時
京察甫竣。太宰孫富平爲反噬者所訐。其黨和之。舉
朝鼎沸。度無能解之者。公乃起而抗疏。臚諸奸罪狀。
并發其邪謀害正。凡數千言。其黨轉攢矢攻公。公再
疏極爭。條具剖真心。覈名實。重大體。平物情。端學脈。
五者。三疏再披。微誠以存公道。皆反復君子小人。消
長治亂之際。疏入不報。遂移疾去。在。主客三月。所主
四夷入貢者。皆感悅。旣去。有泣下者。其後富平諸正
人相繼去國。時事日非。詆東林日門戶籍朝士賢者。

入之。人人以講學爲諱。至以六經亂天下語入省。闈
策問。公家居不勝忿。乙卯復馳疏闕下。爭國是。及亂
政之叛。高皇邪說之叛孔子者。語多激壯。亦不報。
丁巳京察。遂以不謹削籍。或謂稍通效。要人可免。公
曰。此膝一屈。可復伸乎。歸而卜築山溪。時集同志講
學談道。刻程朱道命錄以見志。天啓初起廢籍。諸臣
至公。獨以察典格。久之臺省交訟。起刑部簡較。尋晉
尚寶丞。少卿。而公已病。會逆閹用事。大劓門戶。公病
中輒扼腕。詔削公職。未幾卒。得年六十有六。公性伉

慨負奇氣。遇事勇往直前。無所回互。然一本之忠孝。側怛嘗謂大丈夫寧壁碎。毋寧瓦全。好談古今節烈奇事。至擊節掀髯。聽者忘倦。尤嗜義若渴。如爲鄉紳陳潛齋立後。而剔螟蛉之篡。繼贖名臣蔣侍郎賜塋於豪有力之手。而復其蒸嘗。援劉清惠公會孫女子于羣乞中。且擇儒生而嫁之。歛明經臧大成于長安旅邸。皆其較著者。吳俗善逋賦。以鄉紳家悉免徭。而富民復事詭寄。獨累貧丁賣妻鬻子女。以供追呼。有斃命筆楚者。時朱文寧偕均徭議。大爲梓里譁謀之。公

公曰。是殆難以口舌爭。因先自計田占役。與編戶等譁者。口塞。役法自此少變。長興盜起。破城殺令。事聞家人。皇迫請避。公叱曰。義不共國。無可避也。且吾一舉足。如全城何。立設殊賞。鼓勇殺賊。所居郡縣謝絕一切造請。有投以暮夜金者。却必峻。或廉其枉。卽密解之。不令人知。凡知交當路。絕無一毫染指。嘗吟臨川詩。以自况。曰。欲識金銀氣。多從黃白遊。一生癡絕處。無夢到徽州。其廉介絕塵如此。所著有西山日記。奏疏若干卷。

論曰。丁先生弱冠策名。白首家食。蓋終其身。不進一
席。煖于朝也。當沈烏程大拜時。慕先生甚。邀會於前
途。先生謝不往。笑曰。豈有白首曹郎。艤小舸於相公
舟側者乎。及魏孔時給諫還朝。過高忠憲先生。先在
焉。因請先生一交。給諫先生曰。吾老矣。不能涉嫌。要
津。便飛棹而返。後給諫奪官歸方。通尺素。定交。嗚呼。
此先生細行也。而風義概見矣。顧獨切切孜孜。飢溺
當世。有物於中。必欲一吐之。君父而後快。雖刀鋸鼎
鑊。不少避焉。先生又豈獨善其身者乎。余每見諸曹
化為幸。求如丁先生之鷺。特不屈。可多得哉。

則柔聲下氣。仰鼻息于尚書侍郎。一階半級。苟得速

方巡撫傳

附子惟馨

公諱震孺字孩未直隸桐城人也遷壽州母孔孺人
 夢正學先生來寤而生公因以命名稍長穎異骨肉
 皆香舉萬曆癸丑進士福清葉公向高極器重之訂
 以館選因母病遽遁歸授福建沙縣知縣卻牛稅數
 千金政令清嚴教化簡易兩舉卓異擢湖廣道御史
 時諸要人皆欲擅權橫分區類禁錮名賢公力請開
 門戶之禁先後薦起趙公南星高公攀龍數輩皆一
 時名臣光熹繼立逆璫魏忠賢結客氏將恣不法公

疏陳三朝艱危首以在床在旁爲言請逐忠賢併遠
客氏而巡南城璫甥傅應星放齊民妻公案之下岸
獄璫踵門躬請公笑曰安有縱之粹人妻而不斬之
君不聞槃水加劍古貴臣之義乎貴臣侵璫也璫恚
甚日欲得公而甘心焉會遼陽不守公一日十三疏
增巡撫通海運調邊兵易司馬語皆中款每五鼓卽
趨公卿門籌畫痛哭而又自請犒師言臣本柔脆書
生當此炎天烈日之中猶有熱血黃沙之想凡以激
天下忠臣孝子使其心東向耳蓋是時三岔以西四

百里無人烟衆棄之莫敢往公慨然就道齋恤方竣
而按遼之命下矣比受事則日陳師河上與北兵數
萬對壘居不廬食不火厖羸無人狀相持七月卒不
得渡公感憤時事疏言廣寧情形毋論戰不成戰併
亦守不成守又言經撫心同手異疆事必致大壞後
皆一一不爽時鄒忠介公移書問遼事公手復千言
末云能依孺以羅一貴劉徵爲大將用精兵三萬守
鎮武可保廣寧十年無事不則必亡會主者僅與兵
五千入而又自任能守舉朝壯之公窘甚又移忠介

書曰鎮武不守廣寧無幸矣。老先生三朝元老乞爲一爭震孺一腔癡血灑而無益後一貴與微斬殺無算鎮武城破力盡矢窮猶西向再拜曰吾以此一死報方公也。壬戌正月公差當瓜代回前屯造冊而清兵夜渡岔河巡撫棄廣寧走大帥祖大壽擁殘兵駐覺華島上公痛哭曰天下安危在此一着若媾祖兵以攻榆關豈有幸哉。帥都司張國卿航海見大壽責以大義曰將軍歸相保以富貴不歸孺請以頸血濺將軍今日死不懦也大壽泣公亦泣遂攜糧十萬兵

數萬西歸而嫉公者不以告。嗾主事吳淳夫徐大化逢璫意論公攘差嗟乎何差不可攘而攘僅僅一衛之差攘刀頭誓歿之差耶。事下部院議總憲鄒公元標奮筆曰御史保全山海無過且有社稷功不知大化是何肺腸偏欲中傷善類罷免之而給事中郭興治遂借道學以逐總憲鄒公去位公亦乞歸。乙丑璫與魏廣微興大獄募叅方御史者賞京堂郭興治再應募論公河西職私矯旨逮問授意緹騎曰毋逮生御史來是時公岌岌也璫揚言赤族先焚公宅僅多

爛○歿○親○故○鳥○散○長○安○傳○公○火○矣○公○束○身○待○臯○府○廨○比
械○至○詔○獄○掠○公○坐○贓○六○千○四○百○日○一○杖○比○公○大○呼○皇
天○后○土○竟○欲○殺○直○臣○耶○對○簿○卒○不○定○大○司○寇○李○公○養
正○力○爭○者○三○公○弟○震○仲○震○鼎○哭○於○范○公○廨○公○房○公○海
客○二○三○君○子○代○誣○金○半○餘○則○株○連○戶○族○以○竣○而○揚○州
守○劉○鐸○亦○璫○毒○也○在○獄○禱○青○辭○自○祈○誣○以○視○詛○倚○公
與○鐸○交○通○擬○斬○不○數○日○當○棄○市○先○一○夕○公○與○惠○公○世
揚○慷○慨○悲○歌○仰○天○大○言○曰○惠○給○事○方○御○史○歿○則○歿○矣○
千○秋○萬○世○謂○王○鈇○何○哉○獄○吏○請○就○縛○公○憫○然○無○動○容

天○明○忽○傳○皇○太○子○生○得○免○而○璫○意○愈○不○能○釋○日○遣○邏
卒○伺○公○動○靜○公○踞○一○土○坑○讀○書○賦○詩○其○卒○或○時○時○佐
公○飲○啜○不○厭○公○疑○之○卒○曰○此○我○妻○某○氏○聞○公○精○忠○手
治○以○獻○者○也○公○因○賦○羅○剎○成○佛○詩○贈○之○故○其○報○璫○輒
給○曰○某○病○革○某○瀕○死○璫○以○是○稍○稍○踈○防○丁○卯○八○月○秋
讞○公○知○不○免○乃○作○易○序○年○譜○其○賦○詩○有○云○孤○臣○九○歿
原○無○恨○要○典○三○朝○幸○有○名○會○毅○宗○登○極○逆○璫○伏○誅
上○特○釋○二○公○於○獄○科○道○交○章○請○不○次○擢○用○而○長○山○劉
鴻○訓○柄○國○欲○索○重○賄○公○咲○曰○使○方○子○而○行○賂○魏○璫○時

已九列矣。持不可事，遂阻。而公亦自謂吾與楊左同被鍛鍊，一時下獄，共十七人。今僅得兩人在。白骨再肉，華表重來。若再作宦海汨沒之想，便是冥頑不靈。男子自是息影杜門，日事禪誦，絕口不談仕進事。亡何癸酉甲戌間，流寇克斥大江以北，人無固志。乙亥正月，穎霍告陷，賊至壽州。時壽守土無一官，父老子弟環公泣請為城守。計公義不獲辭，破家給士，乘城拒守。捍禦諸具，一夕皆備。未幾，虜衆肉薄環攻。公親冒矢石，用砲殲厥渠魁。又縋城出，歿士劫其營，斬獲

無算。賊乃駭遁。夫以數十萬之寇，攻彈丸之州，不可拔，且不費粒餉，不煩一兵，保淮揚，若金湯。及丙子冬，再犯和含道，經壽界去城不三里，而卒不敢正視者，公之威懾之也。撫軍史公可法上其功，當擢用。因冢宰某有小嫌，僅補嶺西叅議。未幾，有湯楊二將踞廉州以叛。總制沈猶龍委南韶道王孫蘭往禦。孫蘭殉難，死。公毅然身任單騎，直入其營。二將聞公名，曰：此固巡按遼東方御史也。某等敢不聽命。公諭以禍福，率兵皆降。全廣得安，不半載擢為廣西巡撫。蓋出于

上○意○外○廷○奉○行○而○已○燕○都○陷○弘○光○立○時○南○京○方○叙○擁
戴○功○無○意○復○仇○公○聞○痛○哭○拜○疏○言○先○帝○憂○勤○兢○業○追
踪○舜○禹○十○七○年○辛○勞○崩○于○賊○手○在○諸○臣○自○高○夾○日○之
奇○勲○而○微○臣○終○抱○攀○髯○之○隱○痛○又○曰○雖○祿○山○之○割○腹○
有○時○侯○景○之○瓜○熟○自○落○然○臣○願○親○提○一○旅○過○河○同○諸
勤○王○兵○與○賊○一○決○馬○士○英○阮○大○鉞○見○之○顧○曰○彼○來○吾
輩○無○幸○矣○遂○矯○詔○云○撫○臣○勤○王○不○得○自○行○公○鬱○鬱○失
志○每○自○言○曰○南○都○諸○臣○恐○忘○先○帝○仇○乎○吾○當○爲○先○帝
驅○螻○蟻○耳○病○遽○不○起○索○筆○題○詩○有○一○痛○橋○山○幸○回○首

麻○衣○如○雪○見○先○皇○之○句○兩○粵○人○士○無○不○哀○之○長○子○至
樸○仲○子○惟○馨○端○凝○博○雅○俱○負○至○性○爲○磊○落○奇○男○子○惟
馨○仕○閩○兵○部○司○務○署○篆○瑞○金○其○上○封○事○有○曰○蕭○王○爲
將○而○不○爲○天○子○此○光○武○所○以○復○舊○物○也○宋○高○爲○天○子
而○不○爲○將○此○紹○興○所○以○終○南○渡○也○時○謂○名○言○尋○以
清○兵○南○下○痛○哭○疾○走○南○雄○委○頓○逆○旅○嘔○血○而○卒○子○居
易○髮○覆○額○亦○不○願○回○里○隨○歿○之
論○曰○啓○禎○之○際○世○稱○忠○節○楊○左○諸○君○子○外○必○推○惠○給
諫○方○侍○御○云○及○予○遊○金○陵○獲○交○侍○御○先○生○之○子○方○洞

啓○禮○聖○牙
羞○竊○讀○先○生○奏○議○與○記○事○而○嘆○爲○一○代○經○濟○才○也○夫
以○先○生○按○遼○而○遼○存○先○生○守○壽○而○壽○保○及○先○生○禦○叛
而○叛○服○使○得○假○以○事○權○竟○其○磨○墨○楯○鼻○之○技○中○興○事
業○必○有○可○觀○而○毋○柰○奸○樞○慙○相○寧○可○斷○送○封○疆○不○肯
破○除○門○戶○先○後○一○轍○俾○大○材○不○展○齎○志○以○終○所○謂○國
仇○未○復○身○先○殞○長○使○英○雄○淚○滿○襟○古○今○同○慨○而○予○所
尤○難○先○生○者○居○官○不○染○纖○塵○遇○事○不○辭○艱○苦○與○人○不
留○芥○蒂○既○清○任○和○之○咸○備○且○聞○變○不○生○恐○怖○備○敵○不
吝○金○錢○殺○賊○不○聞○姑○息○亦○智○仁○勇○之○各○足○然○則○始○終

一○節○先○生○真○天○地○間○完○人○以○視○惠○之○優○遊○不○決○末○路
貽○譏○者○相○去○爲○何○如○也○傳○曰○鞠○躬○盡○瘁○死○而○後○已○先
生○有○焉○詩○曰○毋○念○爾○祖○聿○修○厥○德○先○生○之○子○若○孫○有
焉

劉光祿傳

附曹荃疏

公諱元珍字伯先號本孺直隸無錫人也性伉儷少
 卽以名節自勵弱冠舉鄉試登萬曆乙未進士授南
 禮部主事移疾歸庚寅補職方郎有垣長某攝六篆
 操諸司權莫敢抗者公每事輒以理諍垣長曰此郎
 君不可與爭鋒唯唯聽命公益殫精部務核虛餉汰
 冗員節省金錢二萬有奇歲乙巳四明相當國以楚
 宗事忤郭文毅其徒乃布妖書引繩批根思一網異
 已者馴至考察大典群奸亦從而訐之上留察疏

不下。盡復臺省。被察諸臣。公抗疏上言。首輔沈一貫。比昵儉人錢夢臯。卽如考察一事。內則假公以朦上。外則挾威以箝下。旣借皇上之權。以伸其意。復竊皇上之德。以固其交。使守法者抑勒。無聊席奧者高張。無忌疏入。詔下公卿會議。四明及其黨經營百端。謂不廷杖公。議不可息。會雷震郊壇。竿木上懼。反杖旨。繼公疏者。兵部郎龐公時雍。有旨皆削籍南臺省。陳公嘉訓。孫公居相。相繼極論四明。乃罷去。當是時。公直聲震天下。公歸十六年。庚申。神祖遺詔徵言。

事廢棄者。起光祿少卿。辛酉三月。至京。是時遼瀋陷。沒舊贊畫劉國縉。以招撫南四衛官民爲名。擁數萬衆入內。投揭督餉侍郎。令發天津登萊舡南濟。公復疏劾國縉。投拜李成梁爲義兒。與如柏如楨。狼狽相倚。種害遼左。已而被叅解任。乃忽擁衆數萬。竄入內地。保無奸細。逸入其中。國縉今日若能招撫。逃亡昔日必不扶同賣國。昔旣惡其賣國而黜之。今忽信其招撫而收之。呼吸安危。豈容嘗試。上以所奏關切。機宜下部議覆。部畏國縉之黨不覆也。而兵垣請擢國

縉爲巡撫者則格不行。未幾病卒京邸。得年五十有
一。公少苦貧。性尤儉約。清素污萊。歲入不飾宮室。不
殖瑤玩。稍贏卽斥付施。予倡率同志。舉行同善會于
邑中。凡忠孝節義之貧者。有助鰥寡孤獨之賢者。有
助其治家。一尚嚴肅。而尤善體人情。嘗曰。家衆造惡。
皆繇放蕩。必示以不可犯之法。至於臨事。詔之當先。
語之當悉。勿以不言之喻。不戒之孚。望蚩蚩氓林。居
十六年。杜門不與外事。而無念不爲民。章善勦惡。聞
里中有不平。及刑法冤枉事。輒慷慨論列。鬚髯盡張。

不達其志。不止。嘗有知交當路。蘇之富民。被誣陷大
辟者。投暮夜金。公怒叱去之。徐廉其在密。爲雪。不令
之。知其狷介如此。公子三長明翔貢生。仲明翰舉人。
仕中書。季明翹諸生。而文孫雷恒。惠恒。靄恒。諸兄弟。
皆負才藻。有聲于時。惠恒中進士。公歿後十餘年。同
邑以建言獲罪者。又有曹公名荃。字元宰。號履垣。登
戊辰進士。除南刑部主事。崇禎間。觀時政闕失。疏請
平刑。云。功罪者天下之公論。偏用之則微倖者生。端
而報復無已。賞罰者人君之大柄。輕施之則習視爲

固然。而威權不靈。以今人心懈弛。世道陵夷之秋。而
桀以尚德。緩刑之說。進。臣知其無當也。臣所求于聖
明者。惟欲用法之平耳。竊觀皇上所與共理天下者。
二三執政也。自錢龍錫以輔臣下獄。而政府畏罪。一
味柔腸。卽安危大事。躡。嚙。莫敢發口矣。所與綜核庶
政者。六卿之長也。自易應昌以執法重譴。而士師懼
禍。全用揣摩。卽昭然爰書。游移莫能自主矣。詞臣者。
啟沃之資也。楊世芳。劉必達。素稱端品。以閱文拘謹。
置之司敗。而主試一席。人皆視爲畏途矣。監司守令。

者。郡邑之綱紀也。左應選。力捍危疆。聲名甚著。偶掛
彈章。身幾不保。王忠孝。清操自矢。囊無尺縑。禮數稍
疎。隨被逮訊。而保障者。無必死之志。飲孽者。懷不測
之虞矣。諫臣之設。欲其舉賢無隱也。王績燦。吳執御。
吳彥芳。以薦賢縲紲。而言路吞聲。雖有正人。端士。不
敢入告矣。直言之旌。欲其糾慝不避也。摘叅。廠衛之
許國榮。以鉛斤中法。指斥宦寺之馬思理。高倬。以草
場繫獄。而危言賈害。宵小益肆其矜誇矣。夫三代之
世。坐石垂縷。而民知恥者。罰當其辜也。叔季之時。深

文○腹○誅○而○下○不○辱○者○罪○浮○其○實○也○煌○煌○聖○世○雷○電○日○
赫○而○恬○不○知○警○至○矯○激○之○士○借○以○爲○名○高○詭○譎○之○徒○
因○端○而○希○說○可○不○爲○猛○省○乎○且○皇○上○今○日○而○欲○行○法○
則○內○臣○之○遺○尤○不○可○不○慎○也○何○則○內○臣○不○出○則○雪○霜○
雨○露○皆○屬○君○恩○內○臣○既○出○則○兵○刑○矯○僞○悉○歸○中○貴○今○
者○大○小○臣○工○毫○髮○細○過○一○經○指○摘○罰○不○踰○時○而○張○霖○
憲○巨○萬○贓○私○悉○置○不○問○邊○臣○餌○敵○立○就○榜○掠○而○王○
主○歟○及○蒙○優○詔○然○則○內○臣○有○功○而○無○罪○有○賞○而○無○罰○
有○彈○駁○之○權○而○無○斧○鉞○之○臨○將○來○賜○張○奚○所○底○止○海○

內○元○元○誰○非○赤○子○內○外○人○臣○誰○非○耳○目○平○則○萬○目○皆○
舉○不○平○則○百○職○俱○隳○伏○乞○聖○明○垂○鑒○疏○入○謫○詹○事○府○
錄○事○再○疏○叅○劾○內○閣○中○書○黃○應○恩○并○及○首○輔○張○至○發○
穢○狀○人○心○大○快○後○歷○官○福○建○副○使○所○在○有○惠○政○尋○告○
歸○申○酉○後○杜○門○不○出○賦○詩○樂○道○蓋○其○生○平○正○直○清○介○
雅○與○劉○公○相○類○云○

論○曰○曩○時○之○爲○鄉○大○夫○者○如○此○吾○每○見○邇○來○閭○閻○中○
有○冤○抑○事○縉○紳○率○環○視○相○向○莫○出○一○語○以○告○有○司○也○
賢○者○護○其○名○并○遺○其○公○不○賢○者○僭○其○名○乃○行○其○私○遂○

令賢者不言言者不信而桑梓如秦越矣如劉先生
一介不取辨冤雪枉誰則能之蓋是時東林方盛清
議大明以故毘陵三十年前其守令多廉明慈惠其
士大夫畏名簡不敢爲非皆先生與高忠憲景逸顧
端文涇陽薛尚寶玄臺陳太常筠堂諸公力也夫士
子策名仕路進則當爲朝廷樹業退亦應爲閭里造
福以予所見鄉先生閉戶好修者多矣求其慷慨任
事庶幾馬文忠素修曹憲副履垣猶有先輩之風焉
近則郡中楊靜山太史地方利弊奮髯抵几時爲當

事指陳又揔持聲氣獎進後學威鳳祥麟洵一代之
羽儀矣嗚呼安得盡如諸先生其人者而爲鄉邦典
型也哉

滿太僕傳

公名朝薦字震東湖廣麻陽人麻爲辰下邑地皆重
山深箐比隣苗獍風習粗獷鮮習絃誦公獨以才雋
稱萬曆甲辰登進士高第釋褐令咸寧潔已奉公適
中貴人以礦稅事至縣驕倨不謹苛歛暴索邑人皇
皇無所控訴公方坐堂上忽投袂鼓髯起曰邑蕞爾
吾奉朝廷德意推心腹臨之若熒熒赤子旦夕哺不
忍稍違逆而豺虎乃肆薰灼其將使敵爲草菅乎吾
寧與此蠹賊俱死終不能暗暗坐視下令民敢往者

獵逐之。咸寧人遂大噪。將甘心中貴人。中貴人怖甚。急走逸去。因誣奏公凌鑠。近侍無人。臣禮天子震怒。命緹騎逮公。至則下詔獄。五年不釋。廷臣紛紛上請。何至今卓魯喪氣。獨坐兩墮。縱其欺。後且以骨鯁爲。殷鑒有鬚眉者。盡絀矣。疏累入。不省。久之。始以覃恩得赦。歸。光宗卽位。奉遺詔起廢。天啟初。累官至太僕少卿。會際時艱。遼陽失陷。廷臣各懷私樹黨。沽激聚詔。公發憤上疏。曰。前史著戒典。亡卒視所用親賢。遠奸。亟進危言。引正類。則治疎賢。親奸。巧飾諛辭。暗

傾隱。搖雖治。亦亂。陛下恩加大。小臣工亦欲其汲引。賢能清理政刑。豈謂排方正。壞典刑。置國家。蝸蟻沸。羨耶。今乞骸。周嘉謨。劉一燝。顧命大老。以讒去。孫慎行。介石守禮。宗伯以封典。絀王紀。司寇執法。以交章革職。而陰險閣臣。更三十劾。疏獨惓惓去。猶加異數。焉。建言倪思輝。朱欽相。削籍。周朝瑞。惠世揚。拂衣策邊。則款夷索貲百萬。邊臣慮其飽不足。而歲鑄銖餉。伍士度支以奢戒也。棄城則罪人定。爰書或庇緩之。而旬月矜疑。反深督焉。緝奸罪有常律。鮮溢平反者。

近奸人獻遼廣使果卽萬死奚贖乃湖兵臣郡辰州
應募者親見遼陽之失○禍起撫臣表應泰納降夷廣
寧則王化貞齎金啗西部不應反恃此懈防守又謬
聞渡河信遽首鼠走未聞獻送者今謀求奸細思爲
化貞出脫何也若賦輸軍國纖悉皆民膏血乃棄城
罪撫擲三千萬巧賈撫贖銷去三十萬泥沙不啻何
至重疲省郡迫之挺而走險耶閣臣職票擬主持清
議時在剝復宜謀漸矢救正今疏忘才壞法者非輕
斥則兩可或徑行殛奸匡國則公持之甚或加爵平

章謂何一切顛倒貿亂成於陛下十二成於當事大
臣十九剛愎者放縱机鋒柔險者委蛇營壘狙獫者
觀望聲息游移者虛擁遽廬祖宗彝典以訛言屑越
之忠賢以毒螫摧折之基圖以私暱破裂之陛下何
負臣子乃臣子負陛下至此愚臣豈不知韓文謫于
暴閹楊繼盛死於賊輔然正性公憤不願見神州陸
沉也疏入當事怒甚遂削籍爲民臺省疏留報聞而
已後竟以廢棄終於家
論曰稅璫之難榘楊相接諸守令司理以強項獲罪

者多矣。然惟公與馮憲副應京吳令宗堯最著侃侃
聲。後復見天日。吳馮皆前死。終始一節。公一人耳。固
有與公同難。既脫。犴狴攘臂進取。出則耗國家數百
萬金錢。處則橫行裂眚。魚肉廬里有前後兩截。視公
何如也。聞公削藉辭朝。日疏中所劾輔臣。亦以賜麟
馳駟。同公拜闕下。公青衣破帽。躡躑道旁。高忠憲指
謂去輔曰。公榮則榮矣。能不媿滿君乎。其人面發赤
不應。而揚忠烈二十四罪疏。論諸賢去國者亦首列
公。然則身輕似葉。名重如山。公此疏之謂哉。

侯太常傳

公諱震暘。字啟東。號五觀。直隸嘉定人也。成萬曆庚
戌進士。初官行人。凡三奉使。跋跡幾數萬里。單車匹
馬。不擾廚傳。入爲吏科給事中。論經撫論三案。以爲
當斬除葛藤。別白功罪。其言明白正大。舉朝避之時。
璫焰未熾。適客氏再名。公請收成命。以勾結奸璫。傾
危椒寢爲言。奉嚴旨切責。未幾。特疏糾劾四輔。暴白
構殺舊璫王安事。切中時忌。內批調外公。又出疏揭
極論民瘼。國計并降二級。璫公歸後三年。璫禍大作。

公亦病且死。崇禎戊辰，得復故官，而公弗待矣。公性
季友，居平質厚，沉澁不苟，嘗笑與人交，肫肫懃懃，聞
人死喪，急難之故，必爲側席而坐，咨嗟嘆息，坐客皆
爲不懽，閒居休沐，輒討論軍國大計，或語及人才，國
恤則蹙然如不終日，蓋其大志欲以虛公正直爲國
家塞朋黨之議，救清流之禍，其稍閒則修復畿輔水
田，及吳淞水利，講求數百年利病，以康天下，而遭時
齟齬，萬不一試，徒以諫官自見而已。公死，其子峒曾
具疏請卹，詔贈太常少卿，峒曾乙丑進士，官通政使。

與弟諸生岐曾、子玄演、玄潔俱以氣節名世。

論曰：余聞太常將論四輔時，爲壬戌二月，時將廷試，
以疏草示文文肅公，公深歎服之，曰：是疏上必拜嚴
旨，蓋少需時日，蓋四輔俱被糾，當引謝則無人讀卷，
必中以法而後出其長，君言此鮮魚也，枯而後食之，
乎遂不顧禍患，以卒上此疏也。吾見嘉隆以前直言
之臣，多不避利害而遇禍，近日直言之士，每多瞻顧
而卒與禍患相并，如太常公之知其必中法而卒言
之者，亦猶古人之風也哉。

虞稽勲傳

公諱淳熙字長孺號德園浙江錢塘人也生而目光炯炯晝夜不瞑三歲授書即成誦十五應童子試試經書論策五道立就主司驚不信掩卷令背公不屑岸然去十七補諸生學使者以為天下才一時名公如王元美李于鱗皆器重之己卯舉鄉試癸未成進士旋丁父艱茹蔬啜粥廬居三年服闋授兵部職方司主事時朝鮮絳兵朔方叛人戕大帥軍書狎至公為大司馬石公應星條八議預刻火落赤畔日及關

白死期無纖髮爽石公顧不能用曾侍郎弟某議減
軍儲軍大譁飛石擊侍郎首侍郎奔匿省中則相與
逼近朝門而詆石司馬大聲言仍額給不減譁甚莫
聞公急取虎牌大書不減軍糧四字以麾遂散去嘗
護作昭陵會昌平戒馳遊騎千人直逼紅門駐馬吹
唇若沸相顧問珠襦玉匣守將愕眙罔措公徐率緹
騎結方陣半隱林中鳴鉦駭之遂遁去尋遷主客員
外郎踰月改司勳又踰月引疾歸明年當大計京朝
官而吏部尚書孫公鑑考功郎趙公南星以盡逐政

府私人賈怨言官阿政府意欲中尚書無隙會公所
補爲司勳呂某缺呂清簡公甥也有流言遂借呂裾
拾公謗公行賂以觀尚書考功之俯仰尚書果大詫
疏言淳熙恬澹直遂老臣素重其品且貧安所得金
言者妄淳熙不當罷旨下留用言官亦內自悔而一
給事獨爭之力詆銓部專權擅留不敬上以爲然請
尚書尚書屹不爲動執奏如初于是上大怒奪尚書
俸降趙公三級免公官而僉都王公汝訓通政魏公
允貞大理會公軋亨及諸曹郎陳泰來顧允成輩十

餘人各抗疏請留淳熙且歸咎政府上益怒諸曹郎
謫有差公與趙公俱削籍公歸而偕弟僧孺隱南山
回峰下採蓴行樂嘯咏惟適棲寂課玄六時不輟足
跡不窺官府雖臺府大吏及四方遊客欲一識面不
可得而宏護淨業所在經筵法席以身爲導又愛惜
名勝卽兩峰六橋三潭間松石花鳥垂魚之屬咸以
公爲天天啓元年坐而歿歿後頭顱如藝支無碎戾
或謂尸解去云公性至孝尤嗜書自少喜談神通謂
人生貴悟道不則班馬淵雲第藝語蕭曹衛霍何益

中行耳嘗登天目坐斷崖豁然得悟嗣後神明四闢
事至輒先覺所著詩文六十卷及陰符演櫟二子孝
經邇言集靈大學繁露等書行世子二宗攻宗璠皆
以文名能克紹其家學云

論曰予聞公童子時夢遊武夷引桃枝擊空見龍沈
鶴鳴吟曰龍沉海底日鶴鳴松下風嗚呼出而屯雲
雨之澤處而遊塵溘之表神先告之矣遇不遇何足
爲公悼哉善乎黃寓庸先生之傳公曰迹其所志大
都以儒爲行以玄爲功以禪爲歸以山水爲寄托以

詞翰爲遊戲。以闡述爲經綸。古之所謂得道畸人。是耶非耶。斯可謂之知言也已。

吳太僕傳

公諱默字因之。南直蘓州人也。中萬曆壬辰會元。文體高潔。推制科陶鄧后一人。以不附權貴。廷試得二甲。授禮部祠祭司主事。謚典屬其職。掌列應補。應奪者若干人。初嘉靖時。呂南渠以大學士掌南京吏部事。阿分宜意考察失平。公議奪呂文安謚。雖竟寢不報。然聞者實避之。後任尚寶時。朝班站立。祖制璽卿在詞翰之前。向本司讓之。公毅然欲復制。持論甚堅。與時不合。值入朝。昂然執笏前趨。詞林中有誤信不

諳典故者公正色曰雖違衆禮也衆詞林不平訴于
內閣貽書往復不爲屈因得吳鐵漢名當其任尚寶
入都也道經淮上時淮撫李三才交結權貴勢焰甚
灼邀公飲因佯醉語曰朝廷欲我大拜公知之乎公
折之曰公安得有此李遂色阻先是吳江有兇軍鼓
譟事李備護衛官特疏糾叅劉令時俊初令下車最
風采公初不與識面也力白其事于河南掌道某云
敕縣令之賢者三百年前則李鳳崗後則劉夢胥耳
掌道出叅揭于袖中公覽畢嘆曰肯爲百姓受過正

令所以賢也掌道力白于總憲公詰朝又訟言于朝
房謂軍強民弱一至于此時冢宰孫公瑋僅罪俸二
月迄奉差歸晤劉絕不言保全之力劉亦不知保全
出自公也諸地方有大利害及鄉曲有冤不能伸者
廉其實力與雪之吳氓賴以爲天其他雖子孫赴試
亦不通一赫蹏也與東林諸公交契無間然和而不
同無赫赫黨人名周忠介順昌被逮公與款洽且助
之鏹吳風溺于火葬公所目擊者徃徃出資掩之遇
饑首倡減價官糶沍寒時出布絮以衣凍者方外募

化則絕不與一通。曰：此輩不耕而食，不蚕而衣，天地一蠹也。又不妄徇佞佛者云。

論曰：不為威屈，不為利誘，惟公有焉。蓋其大節皦然，不可損矣。公之生也，清議大明，豪強斂跡。及其歿而縉紳士大夫相率杜門，緘舌，莫有為地方任事者。卽一漕兌軍強民弱，害且日甚，而郡邑守令亦往往無所顧忌。然則公之有裨風教，也不益信矣乎？

馬左都傳

公諱鳴起，號劬思，福建龍溪人也。中萬曆庚戌進士，初令浮梁，調繁新建，其撫字催科一以真誠，不事鉤抉。是時江國頻年水潦，民轉徙逃亡，無所得食。公往徃泛小舸，出沒烟雨，波濤中勸糶捐賑，湖泊之民賴以全活者無算。已未，考選廣東道御史，既立西臺，論天下事，淵淵金石，其最大者以保姆夤緣出而復入，識者寒心。公義氣孤寒，抗疏上言：祖宗家法，親王既長出封就國，太子冊立，使居東宮，家人父子之間。

啟禮里弄
毫不假借○今乃一介保姆○長居禁地○不便一庶民之
家○禮法自持者○恒嚴闔域之戒○紫禁邃遠○保姆何人○
乃輕出入○不便二○夫貫魚承恩○小星誦德○美宜家者○
方慕刑于之化○且女德難終○嬾怨不極○怙寵邀恩之○
漸○可無履霜意外之虞○不便三○宮闈動定○原非外廷
所能窺然○弓影無傷○生疑鼓鍾○時聞于外○近習權璫○
線索易透○涓涓不已○將成江湖○不便四○今之出入外
廷○以爲不可而爭之○皇上怒其沽名而罪之○書之史
冊○謂以一寵嬾之故○相繼逐言官○貽累聖德○不便五○

國體所關○內○吉切責閣臣不力○主持則貽譏青史○主
持不能得之○皇上使天下後世謂皇上視輔臣不及○
一○保姆輕朝廷而羞當世○不便六○疏入上震怒○幾予
杖○尋得免○同文獄起○蘭艾俱焚○而公以抱蔓之餘○猶
得外參藩服○尋告病歸○戊辰特起大理寺丞○歷通政
太常爲南戶部侍郎○南中固湯沐地○其護陵軍士○噉
噉待哺於各省郡邑○而各省郡又徃徃以水旱奸解
逋○逝多不足額○公悉心籌量○清積耗○勸挽輸○雖當軍
興○孔亟羽書旁午○而絡繹舟車○應檄而至○士飽馬騰○

豐鎬奠安未幾擢總南憲時流氛烽火照耀金陵遠
近震恐公與九卿畫守江口碁布各門勸賑貧氓稽
謀奸細晝夜乘俾不遺餘力用是病頓以卒方疾革
時猶貽書司農力寢屯戶折糧之議劾忒司城申明
闕說請托之禁勿無勝侍篋止圖書操江御史中丞
上其狀予祭葬贈廕如例

論曰世稱先生經濟煜煜督南庾而倉廩充盈總留
憲而紀綱整飭卒致盡瘁殞身豈非以死勤事者乎
而予尤重公者當保姆之再召正聖怒之方嚴而公
獨昌言不諱自簡秋霜其不從比干于地下者一聞
耳公真不愧忠直臣矣

姜太常傳

附好思睿疏

公名應麟字泰符別號松檠慈谿人父國華嘉靖乙
 未進士歷官少參所至有廉惠聲公天資穎悟七歲
 能文章嘗作汲黯論謂黯忠而不學直而少樞能寢
 逆謀動人主敬禮乃以出守為嫌非純臣誼少參公
 喜曰知汝他日能不懟也萬曆癸未成進士選庶常
 授戶科給事中時皇太子生五年矣鄭貴妃生福王
 寵冠後庭久不立儲中外危疑復進封貴妃為皇貴
 妃公惕然憂懼約同列共爭之朝退竟無發一言者

公就垣中草疏入奏略曰禮貴執廉事當慎始貴妃以孕毓蒙恩豈曰不官但名號太崇亦所宜慮且貴妃所生第二子也儼然亞位六宮恭妃誕育元嗣翻令居下揆之倫禮則不順質之人心則不安傳之天下萬世則不典非所以重儲貳定衆心也願皇上裁之以義示之以公收回成命冊立東宮以定天下之本神宗震怒禍幾不測怒稍霽遂未立儲自有長幼之肯出尉廣月量移餘干令尋以憂歸光宗卽位特以太僕卿召爲起廢請用之首熹宗初政瑞

禍漸興公知正直不容卽投劾歸下鍵著書不輟寒暑性好施急婚葬囊無隔宿儲讀書談道不以動心生平所交好如鄒元標顧憲成史孟麟楊漣魏大中諸君子千里同堂非其人比閭不相見也卒年八十有五從子御史思睿請卹典贈官太常寺卿思睿字謂明中天啟乙丑進士嘗上陳天下五大弊一曰競小利而忘大害言加派一事爲此說者口一畝數釐百畝之家數錢耳不知百姓當情所不堪雖一毫一絲視之甚重且窮鄉一聞額外之征無不恫怨怨乃

在○所○野○乘
離○離○乃○生○亂○卽○今○流○賊○縱○橫○蕩○搖○秦○晉○搃○由○窮○獸○之
攫○逼○迫○而○起○臣○恐○一○方○有○事○雖○以○數○省○加○派○猶○不○足
用○若○使○窮○民○思○亂○在○在○若○秦○晉○更○執○何○民○而○敲○剝○之
哉○今○不○從○額○內○清○夙○弊○而○乃○從○額○外○斂○衆○怨○是○剝○民
以○養○兵○適○驅○民○而○爲○盜○也○二○曰○名○節○省○而○實○浮○靡○言
裁○減○驛○通○實○以○清○汰○冒○濫○之○弊○厥○名○甚○美○乃○徒○使○冠
裳○負○販○雜○居○旅○店○而○所○禪○司○農○者○有○幾○若○以○卹○民○爲
號○便○宜○舉○此○項○支○費○還○之○民○間○今○減○派○之○令○未○遽○見
之○施○行○而○各○適○民○千○百○爲○羣○倚○任○輦○金○以○續○命○者○饒

餓○待○死○散○而○爲○盜○是○在○官○不○得○裁○減○之○用○在○民○不○受
裁○減○之○惠○也○三○曰○搜○剔○愈○清○而○頭○緒○愈○亂○四○曰○懲○毖
愈○多○而○頽○廢○愈○多○五○曰○操○之○愈○急○而○應○之○愈○緩○語○皆
關○切○廟○謨○後○國○事○潰○敗○卒○如○其○言○

論○曰○太○嘗○公○立○朝○大○節○首○在○建○儲○一○疏○斯○其○人○豈○貪
祿○位○而○毀○名○教○者○哉○功○高○羽○翼○名○重○鼎○彝○雙○鬢○四○朝
孤○忠○一○代○庶○幾○與○端○文○忠○介○同○不○朽○矣○

程侍郎傳

公諱紹字公業山東掖縣人也中萬曆

進士除

汝寧府推官廉明仁恕多所平反從賑荒使者巡行
河雒單車徒步與殘民相勞苦民擁道泣曰微公吾
儕小人無孑遺矣行取擢戶科給事中當是時人主
深居貂璫四出大臣環私植黨舉朝貿貿然一時行
雲霧中公以別白賢奸澄清世道爲已任白簡屢上
皆彈劾執政私人無少貸執政心銜之礦稅之使奏
逮有司銀鐺桁楊道路狼籍公再三論救危言抗論

觸冒忌諱。遂除名爲民。里居二十年。光廟卽家起。太常寺少卿。旋丁外艱。服闋。拜太僕寺卿。陞副都御史。巡撫河南。凡所興除。不踰漏刻。櫛垢爬癢。若民自爲。儀封宗人。爲盜囊橐。淫虐彰聞。莫敢向問。公列上其罪狀。詔囚送高墻。諸宗惕息。天啓四年。玉璽出臨漳。公上疏曰。秦璽之不足徵久矣。今璽之出。適在臣疆內。道路誼譁。流聞禁闈。旣不應還瘞地下。又不敢私秘人間。欲遣官恭進。跡涉貢媚。非臣誼所宜。亦恐皇上之所寶者。在彼不在此。臣雖什襲荐之。而皇上

且瓦礫置之也。昔王孫圉不寶玉珩。齊威王不寶照乘。蠻夷偏伯。猶知尊賢寶善。炤燿史冊。况於明聖之主乎。今之大臣。如總憲鄒元標。馮從吾。尚書王紀。盛以弘孫慎行。侍郎曹于汴等。憂國奉公。白首魁艾。又有一斥不還之詞。林久錮不起之臺。諫思皇多士。國之寶。臣不能挽回。天聽汲致。明廷徒獻符貢。璽效七十二代之故事。臣竊羞之。伏望我皇上。怡神寡欲。親賢納諫。在朝之忠直。勿事虛拘。遺野之名賢。急爲登進。玉瓚陳於清廟。瑚璉賁於明堂。共襄大器。永固

金○陝○雖○謂○虞○舜○黃○堊○夏○禹○玄○圭○至○今○存○可○也○區○區○傳○
國○寶○豈○足○論○哉○逆○奄○方○侈○言○符○命○得○公○疏○大○怒○遂○移○
疾○告○歸○至○崇○禎○初○起○工○部○右○侍○郎○四○疏○乞○休○得○請○歸○
卒○詔○贈○工○部○尚○書○公○爲○人○深○沉○篤○厚○真○率○坦○夷○善○善○
惡○惡○根○於○天○性○與○人○交○虛○懷○折○節○退○狀○如○不○勝○衣○一○
旦○犯○大○難○解○大○疑○捍○大○患○雲○行○雨○施○雷○轟○電○掣○死○生○
禍○患○視○之○蔑○如○也○中○州○承○平○久○兵○馬○芻○糧○藩○司○窟○穴○
其○中○公○一○切○按○覈○討○軍○實○而○申○倣○之○中○州○有○兵○殆○自○
公○始○已○已○冬○北○兵○薄○都○公○募○壯○士○入○援○自○辦○行○糧○七

千○餘○兩○事○平○議○敘○公○固○讓○曰○主○辱○臣○死○用○此○敘○功○獨○
不○慮○貶○敵○哂○乎○其○慷○慨○任○事○得○大○體○如○此○

論○曰○余○聞○當○日○玉○璽○之○獻○也○天○子○親○御○文○華○門○璽○
貯○御○前○逆○奄○手○捧○之○憑○軒○頒○示○羣○臣○皆○呼○萬○歲○傳○制○
受○賀○而○罷○奄○初○侍○上○側○傳○璽○時○常○展○而○立○指○揮○下○
上○示○人○以○魁○柄○在○手○非○人○臣○之○度○也○已○而○屢○興○大○獄○
斬○除○善○類○幾○至○移○國○程○公○之○奏○上○玉○璽○有○以○哉○以○道○
事○君○知○幾○其○神○矣○觀○公○身○事○四○朝○敷○歷○中○外○懸○車○致○
仕○以○恩○禮○始○終○錢○牧○齋○先○生○論○其○遭○際○謂○猶○有○慶○曆○

○間○盛○世○大○臣○之○流○風○焉○嗚○呼○休○矣○

沈光祿傳

公名應奎字伯和號湛源南直武進人也中萬曆乙酉舉人由學博爲裕州知州以循卓第一入爲刑部主事見時事空虛特上國勢危迫疏極言儲講不宜久虛瑞府封婚不宜再緩而畿輔饑荒無告錢糧併年竝徵小民啼號鬻賣兒女鞭笞所存終歸溝壑且邪正混淆賢奸倒置至獲罪稅監滿朝薦者正直忠良廷臣所少猶未立釋生還應亟賜之擢用又以代藩庶子鼎莎奪長事論劾大學士李廷機不報出守

汀州開陂濬泉教民耘佃至手製農具以示真有視
民事若家事者會稅監高家播虐特聲討罪檄時案
將自汀入粵公大書榜示直達會城曰稅監將入海
從倭抵汀境太守當領吏民擊殺之案聞縮舌而止
其壯往敢決能出大言斷大事皆此類也尋聞繼母
病遂棄職歸後觸時忌乃中考功法大學士葉文忠
向高再召入用采輿論起陞南光祿少卿逆奄柄國
又削籍久之卒於家公矜節誼重然諾孤標正學士
林翁尊少卽有絕力巍然以豪杰自負鄉里俠少年

皆附之夫人邵氏丹陽邵芳女也芳任俠爲江陵所
殺族人欺其子幼欲殺之而分其產聚而圍守其廬
公集拳勇少年十餘人爲乞丐裝毒殺其猛犬繼墻
而入奪其孤嫠以歸芳以布衣入長安傾動中貴人
起高新鄭於田間所謂趙樛休者也公固老於公車
嘗獨行費縣山中求問管仲廟輿人舁入古廟中卽
下去少年數輩扛巨木楛其門公睨而笑曰是須數
輩乎揎袖平舉之卧之於地一少年指神前石鼎曰
能舉是乎公兩手提之若挈壺甌行數十步復置故

處羣革舌吐不能收公故繞廊廡觀象摸碑久之乃去日下春徐步歸旅館人驚曰客豈有兩翅從虎穴中拔出耶飯河間邸舍有騾食人圍觀如墻公怒曰奈何縱獸食人吾不得為男子矣持鐵簡信步往騾舍而撲公三撲三避之從而擊其目鐵簡陷入尺許騾什不能起盡力擊之乃斃下第還其人迎拜道左面目鏤其半如混沌焉駙馬楊春元尚榮昌太長公主慕公忠義以兄事之每為言國本危疑謀擁祐太子公奮臂曰吾不能為商山老人獨不能為安金藏

乎當官刑部郎神宗不豫召閣臣至宮門而返福

潘猶在邸中外洵懼福清謂公曰事不可知且奈何

公曰竭股肱之力以死衛太子萬一有變公必死之

請以不肖軀殉公福清要公宿朝房與計事令大司

馬列兵圍諸王府第大金吾領緹騎巡視皇城戎政

分部京營兵屯九門藩府人不得闌出邸第中外寂

然公裹甲與福清同卧起示不獨生神祖勿藥乃

出在汀州鄉人為御史按部至汀每夕傳鼓入院指

天象示之曰客星犯前星甚急奈何御史大笑之已

而有挺擊之事。公於衆中。責御史執其袖。曰：此大事。公安得不言。吾向語天象云：何顧左右趨紙筆。即堂上起草。御史大驚。且執其手。囁嚅祈少緩。乃趨而出。生平與錢宗伯謙益爲神交。謙益嘗訪公村居。木榻布被。沾濁醪。如餲飯粗糲。棘喉公飲。噉自如。牀頭樹銅簡二。其高等。身夜分。謂謙益曰：代藩之議。彼不悔禍。當持此簡擊殺老魅於朝堂。旋自刑。以明國法。何暇與喋喋爭。壤筆牘間乎。俄而執簡起舞。有風蕭然。晶光閃爍。上下寒燈吐芒。四壁颯拉。是時公年已七

十餘。其英風壯氣。老而不倦。如此。身沒未幾。子孫負薪者。輿論惜之。

論曰：國朝特重資格。士由乙榜進者。非功名赫奕。事業著聞。解克表見於世。若沈公。不過閒曹外吏。乃當日立朝。丰采日麗。霞騫身後。表儀淵淳。岳峙有甲科所不及者。宜乎錢牧齋先生。亟向余稱海內奇偉。儻節俠之士。蓋無如沈公也。嗚呼。先生豈妄許人者哉。是可以知沈公矣。

安光祿傳

公諱希范號我素南直無錫人性孝友敦族讓產里
無間言成萬曆丙戌進士爲行人陞禮部主事調南
京吏部時高公攀龍昌言蒙譴公慷慨論救謂年來
直臣不安於位賢士削迹于朝趙南星孟化鯉銓臣
之秉公持正者舉次第屏黜趙用賢天下皆知其品
止以吳鎮一疏而歸至如孫繼之清純公正李世達
之練達剛明李楨之孤介廉方皆先後去國天下共
惜諸臣之不用而疑閣臣之妬使不得竟其用也近

見行人高攀龍疏。正直和平。此皇上之忠臣。輔臣之
諍友。反蒙重斥。吳弘濟疏。別君子小人。洞悉肺腑。乃
與攀龍相繼得罪。臣恐君子退。小人進。誰為受其禍
者。疏入。上震怒。削籍。歸時。顧端文方糾同志論學東
林。寇裳輻奏。擬於鵞湖講席。公猶夷其中。廓如也。所
居膠山麓。喬木數百章。碧流千頃。杜門不出。出則乘
一画舫。列綺窓。十二圖。陶元亮。張季鷹。蘇端明。米南
宮。諸名賢。以為五湖烟水伴。恣其所之。樂而忘返。朝
事變遷。總付不聞。會當出湖。再賓。嘗作詩誌痛。有受

遺元老仍增秩。用藥鴻臚也。賜金之句。尋卒。十家贈
光祿寺少卿。

論曰。吾邑宿稱禮義之邦。當神廟時。先生與顧高
劉葉諸公。侃侃立朝。所言皆係正邪進退。國運平陂。
至今讀其疏。如見其人也。昔王伯固先生云。人生仕
至三公。大都三。四十年。惟立身行道。千載不朽。世之
人。顧以彼易此。何與。

鄒忠介傳

公諱元標號南臯江西吉水人也中萬曆丁丑進士
 觀政刑部遇江陵相奪情公上疏指斥其非謂居正
 才雖可為學術則偏志雖欲為自用太甚進賢未廣
 決囚太濫言路未通民隱未周若令在京守制天下
 後世謂陛下為何如主疏入上震怒杖一百謫貴
 州衛即日就道在戍所讀書講學生徒就者數百人
 有巡方御史至衛操閱公必戴鐵帽號衣持戟負弩
 雜軍伍中巡方知之亟遣人謝罪公厲聲曰此君命

也○何○以○謝○爲○神廟親政擢爲給事中知無不言旋
忤時○天○啓○改○元○起○刑○部○右○侍○郎○入○朝○首○疏○言○今○日
急○務○惟○在○和○衷○朝○臣○一○和○天○地○應○之○何○論○事○論○人○者
各○有○偏○見○偏○生○迷○迷○生○執○執○而○爲○我○不○復○知○有○人○而
禍○且○遺○於○國○又○續○陳○末○議○一○曰○拔○茅○一○曰○闡○幽○一○曰
理財○一○曰○振○武○一○曰○驛○遞○又○言○保○泰○四○要○一○曰○簡○二
曰○儉○三○曰○和○四○曰○厚○又○疏○請○卹○忠○直○諸○臣○陞○都○察○院
左○都○御○史○會○遼○陽○不○守○經○撫○罪○案○紛○紜○各○祖○公○奮○筆
言○王○化○貞○用○而○反○爲○用○用○間○而○反○爲○間○用○宜○伏

上○刑○熊○廷○弼○有○益○世○之○氣○料○敵○之○明○而○喪○師○失○地○功
罪○同○科○比○楊○鎬○多○一○逃○較○袁○應○泰○欠○一○死○人○服○其○正
當○是○時○馮○恭○定○從○吾○爲○副○憲○與○公○同○心○因○建○首○善○書
院○尋○山○中○講○學○盟○而○科○臣○朱○童○蒙○等○特○疏○許○公○公○疏
陳○共○學○之○原○以○定○衆○志○畧○言○隆○慶○卯○辰○間○徐○階○當○國
手○書○識○仁○定○性○二○書○與○諸○士○人○商○度○今○未○嘗○以○是○少
其○相○業○神○宗○西○戍○間○臣○等○亦○每○集○于○演○象○所○月○有
講○會○時○執○政○諸○臣○嘗○過○而○問○焉○若○以○講○學○惟○宜○放○棄
斥○逐○之○日○以○此○澆○其○磊○塊○消○其○抑○鬱○無○聊○之○氣○則○如

切○如○磋○者○道○學○一○語○端○爲○濟○窮○救○苦○之○良○方○非○盡○性○
至○命○妙○理○亦○視○斯○道○太○輕○視○諸○林○下○臣○太○淺○矣○連○上○
四○疏○乞○休○以○去○魏○璫○矯○旨○削○職○居○亡○何○卒○崇○禎○初○追○
贈○太○子○太○保○謚○忠○介○公○爲○人○正○直○忠○厚○當○初○入○朝○朝○
右○望○見○公○衣○冠○以○爲○有○異○門○墻○高○峻○如○泰○山○喬○嶽○之○
不○可○仰○而○嚴○霜○烈○日○之○不○可○近○公○顧○頽○然○藹○然○威○儀○
易○直○語○言○坦○率○無○人○而○不○得○至○其○前○一○段○懇○懇○愛○人○
之○念○渾○渾○赤○子○之○心○絕○無○分○毫○矜○名○負○氣○籠○罩○矯○飾○
之○態○嘗○言○人○才○少○有○少○用○老○有○老○用○長○有○長○用○短○有

短○用○我○爲○紅○爐○是○鐵○可○鑄○我○爲○太○虎○凡○鳥○可○飛○在○都○
門○過○錢○宗○伯○謙○益○耶○舍○抵○掌○談○笑○欠○伸○於○坐○隅○之○榻○
語○方○更○端○未○悉○摩○腰○坦○腹○齟齬○熟○睡○矣○又○方○中○丞○震○
孺○謁○公○於○家○蕭○然○一○室○臥○榻○之○側○繫○一○伏○雌○坐○談○良○
久○卽○命○夫○人○烹○以○饗○客○會○以○之○官○至○彭○澤○公○懼○毋○舟○
墊○沿○欲○亟○得○夫○而○夫○星○散○公○持○尺○牘○呼○尉○至○厲○詞○詰○
之○須○臆○夫○集○舟○行○公○旋○自○慚○悔○不○已○呼○尉○至○以○好○語○
慰○勞○之○遺○祥○刑○要○覽○一○冊○每○謂○人○曰○惟○桑○惟○梓○必○恭○
敬○止○彭○澤○吾○桑○梓○地○奈○何○以○尉○而○遂○忘○恭○敬○心○乎○詞

卷行世
暴氣麓恐不可令知者見也。其疎節直腸。謙光古道。大都若此。然於軍國大故。朝廷大議。人才摧折。忠邪消長之故。一語及之。意氣全滿。日光注射。若矢之激。弦星之奔杓。曾不可禁禦。每有所見聞。輒草疏入告。伸紙屬筆。率其意所欲言。其所以告君父者。一如其言。賓朋告妻子。意不假膏飾。文不加點竄。久之。或併其削藁忘之。公歿後。閩人林銓梓其奏議詩文若干卷行世。

論曰。西江鄒氏系自武林。則溯木本水源。忠介公實與吾家同譜云。稔知忠介之爲人也。明識治道。如賈太傅。通達國體。如陸敬輿。質直不阿。如汲長孺。廉潔無私。如包希仁。忠義懇篤。如司馬君實。是固國朝之麟鳳。豈止家乘之山岳乎。顧自江陵以後。忠介見忌時相。不得大用。晚登三事。復爲奄黨論逐。以死惜哉。古人有言。憂民如有病。見客似無官。惟忠介公足當之矣。



